

Amodau'r Drwydded – Pysgodfa Hamdden Dal a Rhyddhau Tiwna Asgell Las 2026

YR ARDAL AWDURDODEDIG

Mae'r Drwydded hon yn ymwneud â'r parth Cymreig yn unig, o 500m o farc distyll y gorllanw ar y morlin tua'r môr yn yr ardal felen a ddangosir yn Atodiad 1. Caniateir pysgota mewn ardal i'r de o linell derfyn a dynnir tua'r gorllewin o Drwyn Dinllaen ar arfordir gogleddol Penrhyn Llŷn hyd at y llinell ganol â dyfroedd tiriogaethol Iwerddon ac i'r gorllewin o linell derfyn a dynnir tua'r de o Oleudy'r Mwmbwls, Abertawe, i'r llinell ganol â Dyfroedd Lloegr.

Nid yw'r ardal awdurdodedig hon yn cynnwys cilfachau ac aberoedd e.e. Aberdaugleddau, a bydd y tu allan i'r byffer o 500m o ddistyll astronomaid (Datwm Siartiau) y morlin gan gynnwys Ynysoedd Sgomer, Sgogwm, Dewi ac Enlli.

Ni chaniateir pysgota o fewn AGA Ynys Gwales, AGA Bae Caerfyrddin nac AGA Gogledd Bae Ceredigion na chwaith yn y rhan o'r môr rhwng y morlin a ffin ddwyreiniol AGA Gogledd Bae Ceredigion.

AMODAU

1. Caniateir pysgota â gwialen a lein yn unig.
2. Rhaid rhyddhau yn ddianaf pob tiwna asgell las a ddelir, os medrir.
3. Rhaid **peidio â** chodi tiwna asgell las a ddelir o'r môr, ei dynnu ar fwrdd cwch, ei drosglwyddo i gwch arall na'i lanio.
4. Rhaid rhoi gwybod am y gweithgaredd o fewn 24 awr ar ôl diwedd pob taith bysgota.
5. Rhaid i'r Person Awdurdodedig/Meistr gydymffurfio â'r holl ofynion a chyfarwyddiadau a roddir gan Swyddogion Gorfodi Pysgodfeydd Llywodraeth Cymru a/neu Swyddog Gorfodi Morol.
6. Rhaid i'r person awdurdodedig/meistr gydymffurfio â'r protocol sgil-ddalfeydd (Atodiad 2).
7. **Terfynu:** Caiff Gweinidogion Cymru fel y gwelant yn dda dynnu'r Awdurdodiad hwn yn ôl ar unrhyw adeg. Lle medrir, rhoddir rhybudd ymlaen llaw o'r bwriad i dynnu'r drwydded yn ôl, ond o dan unrhyw un neu rai o'r amgylchiadau a ganlyn, caniateir tynnu'r drwydded yn ôl ar unwaith (h.y. heb rybudd ymlaen llaw):
 - a. mewn argyfwng;

- b. os yw'r Person Awdurdodedig yn torri unrhyw un o amodau'r Awdurdodiad hwn;
- c. os yw'r gweithgareddau a awdurdodir gan yr Awdurdodiad hwn yn arwain neu'n debygol o arwain at effaith sylweddol ar unrhyw Safle Morol Ewropeaidd (fel y'i diffinnir gan Reoliad 8(4) o Reoliadau Gwarchod Cynefinoedd a Rhywogaethau 2010 (O.S. 2010/490).
- d. os yw'r bysgodfa wedi'i chau am fod y cwota wedi'i ddefnyddio.

RHOI GWYBOD AM DDALFEYDD

Perchennog y drwydded sy'n gyfrifol am gydymffurfio â'r gofynion adrodd a nodir yn yr adran hon.

Ar gyfer pob taith y mae cwch y drwydded yn pysgota am diwna asgell las arni o dan awdurdod y drwydded, rhaid i berchennog y cwch sicrhau bod y meistr yn darparu cofnod o'r canlynol: (P'un a oes tiwna asgell las yn cael ei ddal yn ystod y daith ai peidio).

- rhif y drwydded,
- enw a chyfeiriad y meistr,
- enw cwch pysgota hamdden y DU
- dyddiad y daith pysgota,
- nifer y tiwna asgell las a ddaliwyd (rhowch sero os na chafodd un ei ddal),
- hyd pob tiwna asgell las a ddelir,
- a gafodd y pysgodyn ei ryddhau'n fyw neu'n farw.
- manylion unrhyw sgil-ddalfa


Rhaid i'r meistr gyflwyno'r wybodaeth y gofynnir amdani **o fewn 24 awr** ar ôl diwedd pob taith pysgota yn y fformat y gofynnir amdano gan Lywodraeth Cymru.

Perchennog y drwydded sy'n gyfrifol am gydymffurfio â'r amodau a'r gofynion adrodd a nodir yn y drwydded hon.

Pwysig:

Rhaid i unrhyw un sy'n pysgota am diwna asgell las trwy'r drwydded gydymffurfio â phob deddfwriaeth gymwys arall (gan gynnwys darpariaethau sy'n ymwneud ac nad ydynt yn ymwneud â'r bysgodfa, a rhai domestig ac Ewropeaidd) sy'n berthnasol i weithgarwch yn y lleoliad hwn. Gan gynnwys y gofyniad i gario Tystysgrif Llongau Masnachol Bach ddilys yn unol â Rheoliadau Llongau Masnach (Cychod Gwaith Bach a Chychod Peilot) 1998.

ATODIAD 1 – Siart ddarluniadol o'r ardal awdurdodedig



Atodiad 2 – Protocol Sgil-ddalfeydd

Gradd	Disgrifiad	Gweithred	Effaith
Risg leiaf	Nid oes mamal y môr nac aderyn penodedig i'w weld, neu os oes, un yn unig a welir, yn bell iawn i ffwrdd.	Aiff y pysgota yn ei flaen fel arfer. Mae'r arsyllwr a/neu'r capten yn dweud wrth y criw bod un o bosibl wedi'i weld.	Mwy o ymwybyddiaeth ar fwrdd y cwch.
Byddwch effro	Rhywogaethau'n actif yng nghyffiniau'r cwch. Gall mamaliaid y môr ddod yn agos at gwch, neu nofio o'i gwmpas, oherwydd chwilfrydedd neu gael eu denu at y bar taenu abwyd ffug. Bydd mamaliaid y môr yn chwilfrydig a chwareus yn hytrach na hela. Gall adar fod yn cylchdroi neu'n gorffwys ar ddŵr gerllaw.	Aiff y pysgota yn ei flaen fel arfer. Bydd y capten a'r holl griw yn effro i risgiau allai ddatblygu a bod yn barod i'w hosgoi.	Mae'r pysgota yn parhau ond angen cadw golwg fanylach ar y risgiau ac ymddygiad anifeiliaid er mwyn gallu cymryd camau effeithiol cyn i gysylltiad ddigwydd.
Osgoi	Mae'r rhywogaethau dan sylw yn dechrau cysylltu â'r abwyd neu'r abwyd ffug. Er enghraifft, mae'r capten a/neu'r arsyllwr yn credu bod mamaliaid y môr yn hela ac/neu'n targedu'r abwyd. Neu mae'r capten a/neu'r arsyllwr yn gweld adar yn plymio am yr abwyd.	Bydd y Capten yn gorchymyn y criw i dynnu'r leins, y tacl a'r abwyd i mewn ar unwaith. Bydd y capten yn symud allan o'r ardal ar unwaith.	Rhoddir stop am gyfnod i'r pysgota tra bo'r risg o gysylltu yn pasio. Gall y pysgota aildddechrau unwaith y byddwch yn ôl i'r lefel 'Byddwch Effro'.
Rhoi'r gorau iddi ac adolygu	Mae mamal y môr neu aderyn yn cael ei fachu/ddal trwy ddamwain.	<u>Dolffin trwyn potel (<i>Tursiops truncatus</i>)</u> <i>Cyfarwyddiadau i gapteiniaid:</i> Bydd y Capten yn gorchymyn y criw i dynnu leins, tacl ac abwyd i mewn ar unwaith a chaiff y dolffin ei ryddhau yn ddianaf os meddir.	Cyfyngu ar ragor o anaf i anifeiliaid neu ddifrod i amcanion cadwraethol ardaloedd morol gwarchodedig perthnasol.

		• Bydd y Capten yn symud allan o'r ardal ar unwaith ac yn rhoi'r gorau i bysgota tiwna am y dydd. • Bydd y Capten yn rhoi gwybod i'r WPMC bod y dolffin wedi'i ddal, a bydd y WFMS yn rhoi gwybod i Wyddoniaeth LIC ac CNC. <i>Adolygu'r broses</i> Cyn gynted â phosibl ar ôl cofnodi bod yr anifail wedi'i ddal, bydd yr arsyllwr, y capten, Gwyddoniaeth LIC ac CNC yn adolygu'r sefyllfa i ddysgu o'r hyn a ddigwyddodd. Man cychwyn y drafodaeth fydd datganiad AEOSI Marwolaethau Mamaliaid CNC (NRW2022) ar y sefyllfa. Os bernir bod y dolffin a ddaliwyd yn debygol o fod yn rhan o boblogaeth MMMU Môr Iwerddon, ac iddo gael ei anafu'n gas (gweler e.e. meini prawf anafiadau difrifol NMFS (2012) am ragor o wybodaeth), yna rhoddir y gorau'n llwyr i bysgota am diwna. Os bernir nad yw'r dolffin yn debygol o fod yn rhan o MMMU Môr Iwerddon neu os na chafodd ei anafu'n gas, rhaid addasu'r drefn osgoi cysylltiadau a gellir ailddechrau pysgota am diwna ond gyda gofal. Os derbynnir sawl adroddiad gan wahanol longau ar ddiwrnodau gwahanol bod dolffiniad wedi'u dal, yna bydd angen rhagor o drefniadau osgoi neu ailasesu'r effaith. <u>Pob rhywogaeth arall o famal y môr neu adar penodedig</u> Cyfarwyddiadau i gapteiniaid: • Bydd y Capten yn gorchymyn y criw i dynnu leins, tacl ac abwyd i mewn ar unwaith a chaiff yr anifail ei ryddhau yn ddianaf os medrir. • Bydd y Capten yn symud allan o'r ardal ar unwaith. • Bydd y Capten yn rhoi gwybod i'r WPMC bod yr anifail wedi'i ddal, a bydd y WFMS yn rhoi gwybod i Wyddoniaeth LIC ac CNC. • Bydd y Capten yn ailddechrau pysgota am diwna y diwrnod hwnnw pan fydd lefel y gweithgarwch yn ôl i 'Byddwch Effro' a bod Gwyddoniaeth LIC ac CNC wedi cael gwybod. • Os caiff rhagor o'r un rhywogaeth neu rywogaeth	
--	--	---	--

		benodedig ei dal yr un diwrnod, bydd y capten yn rhoi gwybod i'r WPMC ba rywogaeth a ddaliwyd ac yn rhoi'r gorau i bysgota am diwna am y dydd. <i>Adolygu'r broses</i> Cyn gynted â phosibl ar ôl cofnodi bod yr anifail wedi'i ddal, bydd yr arsyllwr, y capten, Gwyddoniaeth LIC ac CNC yn adolygu'r sefyllfa i ddysgu o'r hyn a ddigwyddodd. Os oes angen, caiff y trefniadau osgoi rhyngweithio eu haddasu. Os derbynnir sawl adroddiad gan wahanol longau ar ddiwrnodau gwahanol bod rhywogaethau wedi'u dal, yna bydd angen rhagor o drefniadau osgoi neu ailasesu'r effaith ar y rhywogaeth berthnasol. <u>Gwybodaeth i'w chynnwys yn yr adroddiad i WPMC a fydd yn cael ei hanfon i Wyddoniaeth LIC ac CNC</u> • Amser dal • Lleoliad dal • Dull pysgota adeg dal yr anifail • Sut cafodd ei ddal (e.e. cymryd abwyd, ei fachu, taro'r cwch) • Ymddygiad yr anifail cyn ei ddal • Beth cafodd ei wneud i osgoi dal yr anifail • Beth cafodd ei wneud ar ôl ei ddal • Cyflwr yr anifail ar ôl ei ddal, ac os cafodd ei ryddhau, adeg ei ryddhau • Lluniau o'r anifail, os oes rhai	
--	--	---	--